

Bæjarstjórn Akraness
b.t. Sævars Þór Þráinsson bæjarstjóra
Stillholti 16-18
300 Akranes,

Efni: Áskorun til bæjarstjórar

Akraneskaupstaður



Skjal nr.	Mótt af.	Mótt dags.
14.06.10	10. APR. 2017	
SFP	SFP	1704074

Arfleifð gullaldarliðsins

Eftir að síðustu liðsmenn Íslandsmeistaraliðs ÍA frá 1951 hurfu á braut á dögunum er ekki úr vegi að velta fyrir sér hvaða áhrif þeir félagar höfðu á mannlíf Ákranesi og raunar mun víðar. Eins og flestir vita varð liðið það fyrsta utan höfuðborgarinnar sem hampaði þessum eftirsóttu titli og margir slíkir titlar fylgdu í kjölfarið. Því voru þeir félagar með réttu nefndir gullaldarlið ÍA.

Árangur Ríkharðs og félaga lyfti Grettistaki í mannlífi á Skaganum. Ekkert félag hefur að mínu mati gert meira fyrir félagslíf og uppbyggingu íþróttamannvirkja en einmitt ÍA og síðar Knattspyrnufélag ÍA. Nægir þar að nefna uppbyggingu á Jaðarsbökkum um áratugaskeið og byggingu íþróttahússins á Vesturgötu. En Gullaldarlið ÍA markaði ekki aðeins djúp spor á Ákranesi. Það sannaði fyrir íbúum landsbyggðarinnar að samstaða í smærri samfélögum getur skapað stóra sigra. Æ síðan á ÍA og Ákranes stóran sess í hugum landsmanna. Á þessum tímamótum er því ekki úr vegi að bæjarstjórn Akraness og Íþróttabandalag Ákraness gangist fyrir málþingi um þau áhrif sem knattspyrnan á Ákranesi og þá sérstaklega gullaldarlið ÍA hefur haft á Ákranesi og þau miklu afrek sem Ríkharður Jónsson og kappar hans unnu í gegnum árin fyrir Ákranes og þjóð sína.

Þessari hugmynd er hér með komið á framfæri með von um að hún verði að veruleika.

Með bestu kveðju,

Gunnar Sigurðsson